



Harald Bøthun
Sundøyhagen 46
5216 Lepsøy

Dato: 12.05.2017
Vår ref.: 2016/9014-100
Saksbehandlar: irekron
Dykkar ref.:

Notabu gnr 29 bnr 3 - Bakkadalen - Os - Tilskot til vern og våling av kulturminne 2017 - Underretting om tildeling

Det vert vist til dykkar søknad om tilskot til vern og våling av kulturminne 2017.

Hordaland fylkeskommune, utval for kultur, idrett og regional utvikling handsama saka på møte den 26.04.2017, sak 52/17, og gjorde vedtak om å tildele dykk **kr 20.000,-** i tilskot.

Grunngjeving

For 2017 var det 46 søknader og kr 992.000,- til fordeling. Samla søknadssum var kr 3.646.054,-. Det kom inn mange gode søknader som fylte vilkåra for ordninga. Med avgrensa midlar har det vore naudsynt å prioritera mellom kvalifiserte søkerar slik at nokre fekk avslag medan andre vart tildelt deler av summen det vart søkt om. Prioriteringa har vore gjort med utgangspunkt i føremålet for ordninga og kriteria for skjønnsutøving som er fastsett i vedtekne retningslinjer for ordninga.

Ved avgjerda av dykkar sak er det lagt til grunn dei opplysingane som går fram av søknaden. Søknaden fyller vilkåra som går fram av dei vedtekne retningslinene for ordninga. Utval for kultur, idrett og regional utvikling har etter ei samla vurdering funne grunnlag for å prioritere dykkar tiltak.

Golvet er vurdert av tømrar til å vere farleg. Det er stor avstand mellom bjelkane, og nedbøyninga er for stor. Tiltaket er såleis tilrettelegging for vidare bruk ved å utbetre golvkonstruksjonen, men vi vil ikkje tilrå bruk av impregnerte materialar, då eksponeringa mot sjø og salt gjer at ubehandla material gjev same nytten. Når det gjeld kledningen bør denne skiftast ut med tilsvarende kledning der dette er naudsynt, med hunbord slik det er i dag, og ikkje villmarkspanel, slik det er skildra i søknaden. Vi tilrår støtte til tiltaket med på vilkår av at det vert nytta uimpregnerte material og hunbord, jf original utførelse.

Tidsavgrensing

Tilskotet gjeld tildelingsåret og det påfølgande år.

Utbetaling

Det utførte arbeidet skal godkjennast av fylkeskonservator for utbetaling. Søkjar må senda oss rekneskapoversikt med kopiar av bilag tilsvarende ein sum minst så stort som tilskotet.

Tilskotsmottakar har ansvar for å kontrollera at utbetalt sum er korrekt. Eventuelt for mykje utbetalt tilskot skal betalast attende snarast.

Føresetnader for tilskotet

Vedtaket byggjer på følgjande føresetnader:

- Tiltaket skal gjennomførast i samsvar med omtalen av føremål, innhald og framdrift samt kostnads- og finansieringsplan slik det går fram av søknaden (m/vedlegg.)

- Tilskotsmottakar gjennomfører rapportering, leverer rekneskap og medverkar til kontroll som nemnt under.

Rapportering og kontroll

Tilskotsmottakar skal varsle fylkeskommunen om vesentlege endringar i høve til søknaden. Det er ein føresetnad at slike endringar vert godkjend av fylkeskommunen.

Eigar skal rapportera 1. oktober og endeleg rapport må innleverast 15. november. Rapporten skal innehalda:

- Utgreiing av gjennomførte tiltak og eventuelle avvik frå planen for tiltaket.
- Rekneskap m/oversikt over kostnader og finansiering
- Dokumentasjon i form av foto e.l.

Administrasjonen kan gje utsetjing frå kravet om frist for innlevering av sluttrapport ved særlege høve.

Fylkeskommunen og fylkeskommunen sin revisor skal ha rett til tilkomst til tiltaket og innsyn i rekneskap og dokumentasjon i slik grad som fylkeskommunen og revisor finn naudsynt av kontrollomstsyn.

Misleghald

Dersom tiltaket ikkje vert gjennomført, skal midlane førast attende til fylkeskommunen.

Dersom det ligg føre vesentlege avvik frå prosjektsøknaden, kan vedtaket om tildeling verte gjort om heilt eller delvis.

Dersom tiltaket ikkje let seg gjennomføre innan tidsfristen grunna uføresette tilfelle, som til dømes sjukdom, kan fylkeskommunen overføre pengane til vedkommande kommune. Føresetnaden er at kommunen tek på seg ansvaret for gjennomføringa av prosjektet. Vert prosjektet likevel ikkje gjennomført, skal pengane førast attende til fylkeskommunen.

Klage/partsinnsyn

Part eller andre med rettsleg partsinteresse kan klaga på vedtaket innan ein frist på tre - 3 - veker. Fristen vert rekna frå den dagen de mottok melding om vedtaket. Klagemynde er Klagenemnda for Hordaland fylkeskommune. Klaga skal sendast til Kultur- og idrettsavdelinga, Postboks 7900, 5020 Bergen. Klaga må innehalda opplysningar om kva vedtak det vert klaga over, årsaka til at det vert klaga og kva endringar ein meiner bør gjerast.

Vi gjer merksam på at De etter forvaltningslova har rett til å gjera Dykk kjend med dokumenta i saka med dei avgrensingane som følgjer av §§ 18 og 19.

Vi legg ved skjema **Aksept for vilkår av tilskot** som **må** returnerast Kultur- og idrettsavdelinga seinast **4 veker** etter at dette brevet er motteke.

Per Morten Ekerhovd
kst. fylkesdirektør kultur og idrett

David Aasen Sandved
kst. fylkeskonservator

Vedlegg:

Aksept for vilkår av tilskot

Retningslinjer

Brevet er godkjent elektronisk og har derfor ingen underskrift.